

古尊宿語錄卷第三十三

多九

僧錄司右闡教兼鍾山靈谷禪寺住持淨戒重校
龍門佛眼禪師語錄之五

小叅云好一轉語還有人答得麼良久云問
答俱備所以古人道夫說法者當如法說且
如法又作麼生說諸人既無風起浪者裏不
多九免將無作有所以道其說法者無說無示其
聽法者無聽無聞諸人既無聽而聽我者裏
無說而說若得恁麼目前無一法可得何故
且聽外無一絲毫說底說外無一絲毫聽底
便能透過雙閑俱無異相不必說與不說聽
與不聽自然大地山河色空明暗更非別法

可謂透出塵勞頓居實地雖現在三界中熾
然出三界現在聲色裏熾然出聲色且如今
與諸人說聽同時作麼生說箇不說不聽底
道理湏知端的明悟始得不見古人道非色
聲香味觸法者箇去處也大殺不易叅學之
士若非到此田地管取目前有法外既有法
內必有心內外緣生汨沒三界諸聖由茲而
出現達磨特地而西來還知諸聖用心處麼
紙是諸人心是更無別心亦無別法所以道
十方薄伽梵一路涅槃門誠實無差方知道
無迷無悟非聖非凡若實得恁麼便好韜光
晦跡復踐諸聖玄塗其或未然直湏管帶始

得不見趙州和尚云十二時中許一時外學僧便問許一時外學未審學什麼州云學佛學法祇如佛法尚為外學其餘十二時中作箇什麼始得大難其人所以如今與諸人相會喚作非時言論既是非時言論如何得相親去違道之人若能鎔餅盤釵鉗作一金攬酥酪醍醐為一味說什麼時與不時盡皆中的奉勸諸人快快究取二六時中去離塵緣莫起異念豈不聞昔日有人在高樓上見二比丘從前過有二鬼使掃併道路復有二鬼散花隨後及乎二比丘迴次二鬼復在前叱喝噀唾二鬼隨後掃除脚迹其人遂下樓

問二比丘所以其二人方悔感悟乃云我等去時共談佛理及至迴時却言雜語諸禪德此雖虛境界子細推來乃是學道之人大事何故祇為情念警起外境現前念若不生無境可得所以先聖道以無念為宗而今但無凡聖異念種種心量亦無煩惱可斷亦無苦提可求於生無生於死無死不見多九二昔日洞山和尚與密師伯游山次忽見白兔從草中突出密云大似白衣拜相山云老老大大作者箇語話密云兄又作麼生山云積代簪纓暫時落魄者箇公案如何消遣得去且道是何道理諸人若會得白衣拜相便乃獨步丹霄

未出常流若會得積代簪纓便解奪飢人之
食祛耕夫之牛還委悉麼直饒一一委悉分
明諸人分上總使不着如何是諸人分上事
試斷看良久云討甚兔子珎重師還東
山省親衆請小參云暫下蓮峯輕屈指光陰
倏尔又三年雖然不隔然毫許爭似躬親到
座前某伏自數日前陪從太平禪師衆奴再
登蓮峰歸侍老師大和尚瞻禮慈容之間湏
知有相見底事敢問大衆作麼生是相見底
事不可是你見我我見你是相見若恁麼全
無佛法得力處何故世間諸趣彼此見存常
在生死之中未有脫離之地所以雪峯和尚

向人道望州亭與你相見了也烏石嶺與你
相見了也僧堂前與你相見了也若據如斯
指示豈待音容相接言氣相交始為相見諸
高德夫為參學之士湏實有去處始得還知
麼如今敢道千里同風相見却易會對面相
見却難知何故難知夾山老子道目前無閻
多九
梨座上無老僧諸來大衆盡在于此如何見
得目前無閻梨堂上老師大和尚在座與諸
大衆證明作麼生見座上無老僧不可等閑
過却持為閑事晝夜被見聞風所飄鼓根塵
陰界諸入經縛不得自由生死事大湏得箇
悟由入頭處始得雖然如是格外道人寔遭

怪矣何故須知有向上一着且待異日他時別為諸人點破因記得昔日南泉趙州二尊宿皆道超物外名播寰中時有一僧往山中見一禪伯在盤陀石上卓庵而坐僧遂問曰南泉出世浩浩地可徃彼問訊空坐何為庵主曰莫道南泉出世佛出世我亦不去僧持

此語見南泉南泉大驚遂令趙州往驗看州到庵主處後東過西庵主不顧州又從西過東庵主亦不顧州遂當門立曰庵主你敗也庵主亦不顧遂拽下簾子而行庵主亦不顧大眾者一則因緣諸人作麼生委悉莫是趙州南泉不到庵主田地返被庵主勘破落他

陷虎之機也無莫是庵主雖然並無受用臨機不解互換平地上死人也無諸人者素非此理大凡行脚人須是道眼分光明始得若道眼不明祇被南泉趙州庵主三人換却眼睛了也實無少許相應處若也道眼分光明趙州南泉庵主便是上座更無異見也還相肯諾也無不見道曾經大海休誇水除却湏弥捺是塵久立解夏夜小參云一二三無言並子口喃喃三二一上下四維無等匹衲僧活計絕絲毫萬古微猷是今日大眾作麼生是今日事現定東西僧俗燈燭熒煌作麼生見得箇絕絲毫底事若於此見得歷劫孤明

未曾昏昧方信道達磨不來唐土二祖不往
西天如是之事蓋是諸人背覺合塵流浪日
久是以智光不得顯現所以遊方問道徧參
知識若於一句下見得分明方知無量劫來
事祇在今日然今日之事也大難委悉何故
蓋為諸人現分別者心本元真寔誤認分別

致背真源但無許多分別之心自然時常顯
露抵如此事還假方便也無山僧有箇方便
普施大眾乃豎起拂子云還見麼若道見拂
子翳卻兩眼了也若道不見拂子生盲卻兩
眼了也眼則且置且道者拂子是有是無拂
子若是有便心外有法拂子若是無壞卻世

諦學道之士到此如何理論如斯指注太甚
壓良為賤若是真正道人也無如許多事故
我釋迦如來在日建立個方便門庭亦無如
許多事每至結足安居不相往來各各求證
道果於九十日中或有所得或無所得或有
疑慮或無疑慮或有罪或無罪至休夏自恣

之日方詣佛所各呈己見求佛印可故謂之
自恣自大覺掩光已來人心閑亂致有朝參
暮請種種見知所以不能得契本源也憶昔
佛在竹園精舍與大比丘結足安居至自恣
日時優波離尊者觀諸大眾如海清淨無有
缺犯唯有文殊師利菩薩不樂所止之處好

游衆落違犯禁戒時優波離具以白佛砍擯
出文殊世尊謂曰若擯得但擯時優波離遂
集衆鳴犍椎左右上下皆是文殊偏虛空界
一切之處悉是文殊世尊謂優波離曰汝欲
擯那個文殊時優波離放下犍椎禮拜懺悔
云我小德小智不識大士境界大眾當時可
多九五

悲秋水共長天一色 小參云古人道若
是陶淵明攢眉卻回去如今敢問大眾攢眉
去是具眼不具眼若是具眼何故回去若不
具眼何故回去去底且從你道如今却來者
裏圍繞者是具眼不具眼若是具眼何故圓
繞還有人裁辨得麼若裁得出無然毫違漏
五日一參勞諸人訪及於此寔為希有然既
勞諸人訪及為復世諦人情為復是佛法受
用若是世諦人情我輩沙門釋子聚會不可
作世諦流通也如此則有何利益若是佛法
受用作麼生見個佛法受用底道理還有人
會麼莫是諸人從門前恁麼來問訊又手立

地是佛法麼莫是呼之無形應之有聲一切
麼受用無尽是佛法麼莫是渠不恁麼一切
該不得眼不見耳不聞孔孔洞洞是佛法麼
莫是阿師恁麼說諸人恁麼聽是佛法麼莫
是本來無事何消得恁麼大併頭上安頭但
隨時及節是佛法麼莫是佛法兩字不用這
看山是山水是水僧是僧俗是俗如今且建
立箇化門接引初機是佛法麼大衆素非此
理莫錯好恁麼則佛法祇憑口裏意裏驅差
將來若祇如此何處有佛法盡是無義語不
實語虛誕語諱般若罪大不可當乍可不會
却永劫無事切莫未得謂得起大我慢輕忽

先達若也實得箇安樂處便須識得些子好
惡辨取些子邪正不可瞞瞞盱盱罷罷統統
祇恁自欺自誑山僧直是不昧諸聖如今在
者裏不惜口業與諸人如此論量喚作論實
不論虛我祇要一箇見解明白徹底悟得底
人不要你許多作用奇特機鋒玄絕棒喝齊
施如此者揔不消得拈出也何故你未入門
六十九來時脚跟下已與你三十棒了也更來者裏
揚眉動目彈指拂袖便出去道我勿廉纖無
話會拂袖出去則且從你者一段疑情如何
得見誣去且問你拂袖出道是了也祇如你
大小二事時何不拂袖喫粥喫飯時何不拂

袖相見問訊時何不拂袖須要說佛法時拂袖意在於何一處通千處百處一時通莫怪逆耳莫道絮無滋味我不圖你名聞利養祇要你悟得同報佛恩除此之外亦無別事你若真箇有箇入處方知山僧不分外已得者便好長養聖胎未得者正好疾速抉擇你不見藥山久不上堂院主白曰大眾久思和尚示誨山曰但打鍾着院主打鍾衆已集山掩方丈門院主白曰和尚相許為大眾說法何故不出山曰院主經有經師論有論師律有律師又爭怪得老僧大眾你看他古人得恁歷奇特豈似而今教者兩片皮喃喃地一似

教書相似有甚麼利濟各請散去珍重衆散師復云大眾三十年後不得錯舉小參云今時人須是自算自貴自成自立始得若能如此方有箇休歇處雖有箇休歇亦無休歇之量若不如此捏目生花見事便差但識山僧拂子使得祇如拂子且作麼生識乃豎多起云還見麼若見且不識山僧拂子若不見亦不識山僧拂子且如何是自尊自貴底道理近來兄弟以遊山為訪道觀看名叅學稱為行脚還當行脚事麼要見五臺清涼京師兩浙廬山湖南天台鴈蕩江南江北好山好水好寺院拈起拂子云子細看取一生行脚

事畢或若劬勞跋涉真實自輕大衆切須自
尊自貴將知尊貴邊合着得箇什麼無事不
須久立師姑本是女人做阿嫂元是大哥妻
好大哥歸堂去 小參終

普說 师云法身有三種病二種光一一遂得始解

穩坐地又楞嚴會上如來說五十種禪病如
今向諸人道直是無病始得龍門道祇有二
種病一是騎驢覓驢二是騎印驢了不肯下
你道騎却驢了更覓驢可殺是大病山僧向
你道不要覓靈利人當下識得除却覓底病
狂心遂息既識得驢了騎了不肯下此一病

最難醫山僧向你道不要騎你便是驢盡大
地是箇驢你作麼生騎你若騎管取病不去
若不騎十方世界廓落地此二病一時去心
下無事名為道人復有什麼事所以趙州問
南泉和尚如何是道泉云平常心是道州從
此頓息馳求識得祖病佛病無不透得後來
遇到諸方無有出其右者蓋緣他識病不見
一日去訪茱萸策杖從東過西從西過東萸
云作茱洲云探水萸云栽者裏一滴也無探
个什麼州靠却杖而出看他露些風規甚能
奇特如今僧家例以病為法莫教心病好久
立 师云不與萬法為侶者豈不是出塵

勞耶心不知心眼不見眼既絕對待見色時無色可見聞聲時無聲可聞豈不是出塵勞耶無路徑處入得無縫罅處見得佛法亦無東西南北不道你是弟子我是師若已躬分明無有不是者參師時不見有師參自己時不見有自己看經時不見有經喫飯時不見

多九
八
有飯坐禪時不見有坐日用不差求然毫相不可得恁麼見得豈不是自由自在久立師云不問又不得總問來又成自輕了不問又焉知亦湏解開始得我向頂上錐劄你要你識痛痒如揭你炎瘡甲相似靈利人便知始得莫自欺我不瞞你不見古人問如何是

祖師西來意尊宿大驚曰你問他西來意作麼何不問你自己意如何是自己意曰當觀密作用如何是密作用尊宿以目開合示之古人多少苦口後來子孫又不恁麼也入門來便喝更無如何若何生怕你明不得有恁麼一件事何不識取諸方愛教人看公案哉

者裏現成公案好看莫教看破大小大事諸人十二時中祇是妄想塵勞心念智慧未能發生所有流布皆從意思中來要作何用智慧如日出無不開朗喚作無分別智現前湏得恁麼一回了從此去有着脚手處有與你語言分若妄想塵勞山僧於你無著脚手

處好喫好喫說東入西說西入東不柰你何
若能轉頭來智慧開時便解道和尚元來與
我說了我也與和尚說了搖頭時便擺^{多九}_九整
理也你諸人謾道十年五歲參禪何曾做者
般功夫來祇是趨口快你方來我者裏^已就
覲在也則功夫未成沒滋味在你在者裏十
年五歲做得功夫熟也管取悟得去我也尋
常教人做功夫說底話皆與他古人合不差
一字你但會得了便知古人事也你莫道古
人恁麼道我恁麼會得不是了也祇如古人
說不是風動不是播動仁者心動有多少言
語到你分上是耶不是^又道我是你你是^我

無過此也文人問雲門學人自己雲門道山
河大地多少好是有是無山河大地若有去
怎生見得自己若無現今山河大地如何說
無來古人說與你了不悟不知龍門尋常向
你道本有之事你分上現行現用不着討不
着整理不着脩證祇要你一信信得甚是省
力難得如此人先師在白雲會裏端師翁常
曰此道者天真自得之妙蓋緣有生知底事
山僧見先師十年道不得祇為疑得深後來
徹底理會得如今悉不費力不是思量時有
不思量時又不是也佛法不如此袈裟下事
莫教埋沒山僧若不退思參究時一生也則

埋沒了豈有者箇消息也而今道眼不明出世者多罪過如何敢爲人高座上也豎起拂子示人噦噦殺人如盲如聾相似不驚不怖祇趨目前不憂後世打鬼骨脣苦苦你諸人有福德因緣未悟心切不可作出世人禍事禍事若有真實事自然馨香你看多少

虛頭禪師久久一日不如一日如刻人糞作旃檀形到了祇是屎臭氣你諸人求出生死求出離打教成一片又不是你和融然後成一片若教成一片決定不成一片昔日有僧參舉道者一日遊山問曰和尚香林道老僧三十年求成一片不可得此意如何舉道者

曰老僧也恁麼却問其僧會麼曰不會舉文與者僧一偈曰香林成一片老僧也恁麼不待此月終重爲子決破至月末舉道者遂還化去你道一片事作麼生好不好香林成一片龍門也恁麼爲報諸禪和當面莫蹉過各自下去多九師云看見了不柰何者多既看見

如何却不柰何祇爲不識所以不柰何若看見識得便柰何得也然發心參禪便要會得誰不願樂祇爲無箇入處又強會不得一切處不契合一切處緣差用力取不得良久云你十二時中行住坐卧折旋俯仰種種事業一切處有超佛越祖底事祇是你纔要解會

時已無也真個是無也你擬湊泊已背了也
所以道看見紙是不柰何莫是不擬心不起
解會時得麼展轉更是不得也會尚不得豈
況不會若是靈利底人纔聞山僧說向你便
能大開眼見得豈不是沒量大人向道是法
非思量分別之所能解又道智不到處若不
如此爭稱佛法而今兄弟家紙是呈箇解會
呈箇見處作道理何曾解恁麼來何曾得到
恁麼田地來若是有道種性底人冇恁麼去
覬須是深深地体究審審地看詳忽然柰何
得便無疑情也你等不明紙爲十二時中被
雜念奪將去也蓋爲你要學事業見物便愛

見文字便愛尋逐時便緣將去也這業何由
得辨凡學事業人各有時三十已上便不可
學也學亦難成學得又何用若己事辦去學
亦得在蓋已點化了也若己事辦又豈肯學
也若二十上下猶可學若是靈利念生死之
人亦不肯學也凡是參禪湏是心地平直心
口相應心言直故如是始終地位無委曲相
莫道我會也我柰何得也若奈何得那裏更
去問人也你總說會禪也人覩你脚手看你
卷一說話所爲底事因甚却道者个如何那個如
何既是會禪又却是爭無明也祇如道默耀
詧光是如何藏名晦迹又如何不異人心是

道又如何各自省緣莫說是非且如行住坐卧進退俯仰一切處皆是超佛越祖山前水牯牛有佛法你總尋究則已無也何不恁麼識取久立珍重 師云龍門活計是千聖之骨髓未有一念不與諸人說自是諸人不肯承當所以却成山僧瞞你且什麼處不是與諸人說處禪僧家說道山僧不教人思量不教人會解不教人商量因緣不舉古舉今祇恁麼空過我若在別處一夏湏明得公案三兩則湏聽一件文字你若要商量舉古舉今却請別處去我者裏祇是一味禪所以喚作千聖骨髓我且問你適來因什麼問訊聖

僧且問訊時還印證你麼還冇諾你麼若道印證你他是土聖僧豈解印證你若道冇諾你豈解冇諾你既不解冇諾印證又問訊作麼莫是仁義道中麼莫是覩相生善麼若是仁義道中衲僧家豈有仁義豈有睹相生善莫是事不獲已隨衆問訊麼又成何道理到者竟須是一一明始得不見長沙大師一日回頭見聖僧忽然知歸便云回頭忽見本身本身非見亦非真若將本體同真體歷劫迢迢受苦辛諸人還會此个道理麼珍重 師云有時問著師僧總言不知不會祇管道飢來喫飯困來眠似此說話有什麼救處更

道不知月之大小不管歲之餘閏誰理會你
者般事我且問你作麼生說個不知底道理
你見人說了便恁麼道還曾會得那不知道底
道理麼古人道不知者無所不知無所不到
喚作不知要你今時人到那不知底田地此
是諸聖境界豈比如今拍盲不會喚作不知

多九

十三

若恁如此盡道我不知不管忽有人問着如
何流通曹溪一路恐無人相續去也不得如
此湏是懶懶決擇始得珍重師云古有

云不敢草負和尚足下烟生又有北院通竪
洞山山謂曰子何處去通曰入嶺去山曰飛
猿嶺峻好看通遲疑山曰通閣梨通應諾山
云何不入嶺去通頓於言下得旨古人為人
處甚徑直每見人來無不示他是伊道入嶺
去此意如何今人不明了須做箇會處以些
子會是自隔了祇許體究不許會解一體體
得了更不疑也然亦不易保任若入得是則
無退失所以會處明得不如不會處見得亦
有可保任分更無不照顧時不晚了時所以
古人道平常心是道還可趣向也無捷向即
乖看他不許你趣向又作麼生保任不易不

易此豈不是出離事你若尋出離處所謂苦
屈玄妙道蓋大地是地獄刮住若向者衣線
下不明是大苦屈不可等閑久立師云三祖大師道不用求真唯湏息見又道纔有是
非紛然失心者箇言語便是教你如今人作
功夫處也你見他道不用求真便道更不湏
多九十三

然百不會喚作無求尋常十二時中目前不
了蓋是見心取捨你又豈得知無分別心所
以先聖曰有為無為有異耶荅曰無異也天
地河海風雲草木鳥獸人物生死變化目前
皆名有為之相無為之道寂然不動無狀無
名謂之無為如何得無異去永嘉大師道無
明實性即佛性幻化空身即法身此兩者各
別且如何明得即底道理須是證得無求心
也便和融得無事十地中第五難勝地謂真
智俗智極難得等入地時二皆平等故名難
勝地學道兄弟二六時中了取教等好還知
是^{多九}你無不別心所盡出麼如盡師盡出種種

好醒盡出五陰盡出人天正盡時不借他力
能盡所盡俱無分別以不了故而起諸見見
我見人自生好醒所以道盡師盡地獄醒狀
百千般放筆從頭看特地骨毛寒若知是盡
出何所怖畏古人明得了一切屢現成玄沙
大師伐木次遇虎跳出侍者曰虎和尚沙叱

曰是你虎又有僧禮拜次沙云因我得禮你
此個方便深符佛意法眼大師指面前狗子
曰盡鏤出諸人看時莫就狗子身上明應須
持未向自己身上看取始得方解他道總有
是非紛然失心識取好久立師云如今直
下信道是也已名不唧溜者况更不能直下
信得又堪作什麼也直下信道是何名不唧
溜者從前許多時什麼處去來須知已失一
概了也便見從前不了底却成外之見我
觀從上古人有從迷得悟者所有流布皆是
從迷得悟法門有悟了知迷者所有流布皆
是悟了多說知迷法門有無迷無悟者所有流布

來時並無一物祇有個心識又無形無鬼及至死時弃此五蘊捨子亦無一物祇有個心識如今行腳入衆中者個是主宰也如今問你受父母氣受精血執受名爲我身始於出胎漸漸長成此身皆屬我也且道屬你不屬你若道屬你初入胎時並不特一物來此個父母精血眾時屬你又祇合長在百年依舊拋却死屍又何曾屬你若言不屬見今一步也少不得爲時解嗔痛時能悉作麼生不屬你得試定省看道是有是無管取不踈不下蓋爲疑根不斷道有來初生時漸長至三歲五歲乃至二十時決定不移到四十五十而

此身念念遷謝念念無常決定喚作有不得道無來種種運爲皆解作得道無且不得昔有一人因行失路宿一空屋中夜有一鬼負一死屍至續有一鬼來云是我屍前鬼云我在彼處將來後鬼強力奪之前鬼曰此中有客子可證二鬼並前云此屍是誰將來客

多九

十五

子思惟道二鬼皆惡必有一損我我聞臨死不妄語者必生天上遂指前鬼曰是者鬼將來後鬼大怒拔去客子四肢前鬼愧謝曰你爲我一言之證今尔肢體不全遂將死屍一一補却頭首心腹又被後鬼所取前鬼復一以屍補之二鬼遂於地爭食其肉淨盡而

去於是客子眼前見父母身體已爲二鬼所食却覲所易之身復是何物是我耶非我耶有耶無耶於是心大狂亂奔走至一精舍見一比丘具述前事比丘曰此人易可化度已知此身非有也乃爲畧說法要遂得道果汝等諸人祇說參禪舉因緣便喚作佛法此是

禪箇何不恁麼疑未叅取會得麼你身不是有不是無有是心有身則未嘗有無是心無身則未嘗無你會得麼更說個心亦不有亦不無畢竟不是你本有今無本無今有斷常見解立

古尊宿語錄卷第三十三

多九

永樂北藏

古尊宿語錄

第一九八冊